




**ШЫМКЕНТ ҚАЛАСЫНЫҢ ДЕНСАУЛЫҚ САҚТАУ БАСҚАРМАСЫНЫҢ
ШАРУАШЫЛЫҚ ЖҮРГІЗУ ҚҰҚЫҒЫНДАҒЫ «ЖОҒАРЫ МЕДИЦИНА
КОЛЛЕДЖІ» МЕМЛЕКЕТТІК КОММУНАЛДЫҚ КӘСПОРНЫНА
2025-2026 ОҚУ ЖЫЛЫНА**

ҚАБЫЛДАУ ЕРЕЖЕЛЕРІ

Шымкент қаласының ДСБ-ның шаруашылық жүргізу құқығындағы «Жоғары медицина колледжі» МКК (әрі қарай- Колледж) қабылдау комиссиясының өз жұмысында басшылыққа алатын негізгі құжаттары мен ережелері:

- «Білім туралы» 2007 жылғы 27 шілдедегі Қазақстан Республикасы Заңының 5- бабының 11) тармақшасы;
- «Мемлекеттік көрсетілетін қызметтер туралы» 2013 жылғы 15 сәуірдегі Қазақстан Республикасы Заңының 10-бабының 1) тармақшасы;
- Еңбек нарығының қажеттіліктерін ескере отырып, мектепке дейінгі тәрбиелеу мен оқытуға, орта білім беруге, балаларға қосымша білім беруге және техникалық және кәсіптік, орта білімнен кейінгі білімі бар кадрларды даярлауға мемлекеттік білім беру тапсырысын орналастыру қағидаларын бекіту туралы Қазақстан Республикасы Оқу-ағарту министрінің 2022 жылғы 27 тамыздағы № 381 бұйрығы;
- «Техникалық және кәсіптік, орта білімнен кейінгі білімнің білім беру бағдарламаларын іске асыратын білім беру ұйымдарына оқуға қабылдаудың үлгілік қағидаларын бекіту туралы» Қазақстан Республикасы Білім және ғылым министрінің 2018 жылғы 18 қазандағы № 578 бұйрығы;
- «Техникалық және кәсіптік, орта білімнен кейінгі білімнің білім беру бағдарламаларын іске асыратын білім беру ұйымдарына оқуға түсу кезінде қабылдау квотасының мөлшерін бекіту туралы» Қазақстан Республикасы Оқу-ағарту министрінің 2023 жылғы 15 тамыздағы № 261 бұйрығы.

1. Жалпы ережелер

1.1. Колледждің қабылдау комиссиясына Қазақстан Республикасының кадрлар даярлау үшін орта білімнен кейінгі білімнің білім беру бағдарламаларын іске асыратын білім беру ұйымдарына жалпы орта (орта жалпы), техникалық және кәсіптік (кәсіптік бастауыш және кәсіптік орта), орта білімнен кейінгі, жоғары (кәсіптік жоғары) білімі бар Қазақстан Республикасының азаматтары, шетелдік азаматтар және азаматтығы жоқ тұлғалар, сондай-ақ білім туралы құжатымен (куәлік, аттестат) ерекше білім берілуіне қажеттілігі бар тұлғалар қабылданады.

1.2. Колледжге қабылдау «Білім туралы» Қазақстан Республикасы Заңының 26-бабының 8-тармағында айқындалған адамдарды қабылдау квотасы бойынша көзделеді. **Қабылдау квотасының мөлшері** «Техникалық және кәсіптік, орта білімнен кейінгі білімнің білім беру бағдарламаларын іске асыратын білім беру ұйымдарына оқуға түсу кезінде қабылдау

квотасының мөлшерін бекіту туралы» Қазақстан Республикасы Оқу-ағарту министрінің 2023 жылғы 15 тамыздағы № 261 бұйрығымен (бұдан әрі - № 261 бұйрығы) бекітілген:

1) бірінші немесе екінші топтағы мүгедектігі бар адамдар, бала кезінен мүгедектігі бар адамдар, мүгедектігі бар балалар арасынан шыққан азаматтар үшін – 10 пайыз;

2) басқа мемлекеттердің аумағындағы ұрыс қимылдарының ардагерлері, жеңілдіктер бойынша Ұлы Отан соғысының ардагерлеріне теңестірілген ардагерлер үшін – 0,5 пайыз;

3) ауылдың әлеуметтік-экономикалық дамуын айқындайтын білім беру бағдарламалары бойынша оқуға ауыл жастары арасынан шыққан азаматтар үшін – 35 пайыз;

4) Қазақстан Республикасының азаматтары болып табылмайтын ұлты қазақ адамдар үшін – 4 пайыз;

5) жетім балалар және ата-аналарының қамқорлығынсыз қалған балалар, сондай-ақ кәмелеттік жасқа толғанға дейін ата-анасынан айырылған немесе ата-анасының қамқорлығынсыз қалған жастар қатарындағы Қазақстан Республикасының азаматтары үшін – 1 пайыз;

6) Қазақстан Республикасының Үкіметі айқындаған өңірлерге қоныс аударған ауыл жастары арасынан шыққан Қазақстан Республикасының азаматтары үшін – 5 пайыз;

7) кәмелетке толмаған төрт және одан көп бала тәрбиелеп отырған отбасылардағы балалар үшін – 5 пайыз;

8) кемінде үш жыл толық емес отбасы мәртебесі бар отбасылардағы балалар үшін – 1 пайыз;

9) бала кезінен мүгедектігі бар балаларды, бірінші немесе екінші топтағы мүгедектігі бар адамдарды тәрбиелеп отырған отбасылардағы балалар үшін – 1 пайыз.

10) Қазақстан Республикасының шұғыл әскери қызметтің белгіленген мерзімін өтеген азаматтары үшін – 1 пайыз.

1.3 Қазақстан Республикасы Оқу-ағарту министрінің 2023 жылғы 15 тамыздағы № 261 бұйрығымен бекітілген қабылдау квотасы көзделген адамдарға тиесілігін растайтын құжаттарды талапкер қабылдау комиссиясына күнтізбелік жылдың 15 тамызына дейін ұсынады.

1.4. Конкурсқа өтініш берген кезде оқуға түсушілер Шымкент қаласының жергілікті атқарушы органдары бекіткен төрт мамандыққа, біліктілікке (қажет болған жағдайда), кадрлар даярлауға арналған мемлекеттік тапсырысты орналастыру жөніндегі комиссиялар бекіткен техникалық және кәсіптік, орта білімнен кейінгі білімнің білім беру төрт ұйымына дейін, оқыту тілін (қазақ, орыс), білім деңгейін таңдай алады.

1.5. Тұлғаларды орта буын мамандарын, қолданбалы бакалаврларды даярлауды көздейтін техникалық және кәсіптік, орта білімнен кейінгі білім беру бағдарламалары бойынша білім беру ұйымдарына білім алушылар құрамына оқуға қабылдау тұлғалардың өтініштері бойынша конкурстық негізде жүзеге асырылады.

2. Қабылдауды ұйымдастыру

2.1. Колледжге азаматтарды оқуға қабылдау мәселелерін шешу үшін қабылдау комиссиясы ұйымдастырылады, ол өзінің жұмысын 10 маусымнан кешікпей бастайды.

Қабылдау комиссиясының құрамына Қамқоршылық кеңестің, қоғамдық ұйымдардың, білім беру ұйымдарының және жұмыс берушілердің өкілдері кіреді. Комиссия мүшелерінің ішінен қабылдау комиссияның төрағасы тағайындалады.

Қабылдау комиссиясының төрағасы білім беру ұйымының басшысы болып табылады.

2.2. «Техникалық және кәсіптік, орта білімнен кейінгі білімнің білім беру ұйымдарына оқуға қабылдаудың үлгілік қағидаларын бекіту туралы» Қазақстан Республикасы Білім және ғылым министрінің 2018 жылғы 18 қазандағы №578 бұйрығының 2-тарауының 32-тармағына сәйкес колледжде шығармашылық емтихандар өткізу үшін емтихан комиссиясы құрылады.

2.3. Колледждің қабылдау комиссиясы оқуға түсуге азаматтардан өтініш қабылдауды мемлекеттік тапсырыс бойынша Конкурсқа қатысу үшін негізгі орта білім базасында

күнтізбелік жылдың 25 маусымы мен 15 тамыз, келісімшарт (ақылы) негізде 25 маусым мен 25 тамызға дейін жүргізеді.

2.4. Талапкер білім беру ұйымына құжаттар топтамасын мемлекеттік көрсетілетін қызметті алу үшін «электрондық үкіметтің» www.egov.kz веб-порталына «Техникалық және кәсіптік, орта білімнен кейінгі білім беру ұйымдарына құжаттар қабылдау» мемлекеттік көрсетілетін қызмет стандартына және осы Ережеге сәйкес ұсынады.

2.5. Оқуға түсу үшін құжаттарды кәмелетке толған адамдар жеке өзі, кәмелетке толмағандар - заңды өкілінің қатысуымен ұсынады.

Портал арқылы жүгінген кезде мемлекеттік қызметті көрсету нәтижесі көрсетілетін қызметті алушының "жеке кабинетіне" көрсетілетін қызметті берушінің уәкілетті тұлғасының электрондық цифрлық қолтаңбасы (бұдан әрі - ЭЦҚ) қойылған электрондық құжат нысанында хабарлама жолданады. Оқуға түсушілердің өтініштері «Ұлттық білім беру деректер қоры» (бұдан әрі – ҰБДҚ) ақпараттық жүйесіне тіркеледі.

2.6. Көрсетілетін қызметті берушінің қызметкері құжаттар топтамасын (жеке бас куәлігі, аттестат (түпнұсқа), өтініш) қабылдауды, тіркеуді және көрсетілетін қызметті алушыға құжаттар топтамасының қабылданғаны туралы қолхат беруді өтініш келіп түскен күні жүзеге асырады не көрсетілетін қызметті алушы құжаттар топтамасын толық ұсынбаған және (немесе) қолданыс мерзімі өткен құжаттарды ұсынған жағдайда көрсетілетін қызметті алушының «жеке кабинетіне» осы Қағидаларға 2-қосымшаға (қоса тіркелген) сәйкес көрсетілетін қызметті берушінің уәкілетті тұлғасының электрондық цифрлық қолтаңбасымен куәландырылған электрондық құжат нысанында өтінішті одан әрі қарастырудан дәлелді бас тарту туралы жауап жолдайды және осы Қағидаларға 2- қосымшаға сәйкес нысан бойынша қолхат береді.

2.7. Көрсетілетін қызметті берушінің қызметкері өтінішті түскен күні тіркейді және оны қабылдау комиссиясына орындау үшін жолдайды. Өтініш жұмыс уақытынан кейін, демалыс және мерекелік күндері түскен жағдайда Қазақстан Республикасы еңбек заңнамасына сәйкес келесі жұмыс күнімен тіркеледі.

2.8. Көрсетілетін қызметті берушінің мекенжайына келіп түскен көрсетілетін қызметті алушының шағымы «Мемлекеттік көрсетілетін қызметтер туралы» Қазақстан Республикасы Заңының 25-бабының 2-тармағына сәйкес тіркелген күнінен бастап 5 (бес) жұмыс күні ішінде қаралуға жатады.

2.9. Колледждің қабылдау комиссиясы Қазақстан Республикасы Білім және ғылым министрінің 2018 жылғы 18 қазандағы №578 бұйрығымен бекітілген «Техникалық және кәсіптік білімнің білім беру бағдарламаларын іске асыратын білім беру ұйымдарына оқуға қабылдаудың үлгілік қағидаларының 2 тарау 33 тармағына сәйкес психометриялық тестілеуден өткізеді.

Психометриялық тестілеу «өтті» немесе «өтпеді» деген нысанда бағаланады.

2.10. Колледждің қабылдау комиссиясы психометриялық тестілеу нәтижелерін мемлекеттік тапсырыс немесе келісімшарт негізінде оқуға арналған Конкурсқа қатысу үшін ҰБДҚ ақпараттық жүйесіне жібереді.

2.11. Колледжге ерекше білім беру қажеттіліктері бар тұлғаларды мамандықтар мен біліктіліктер бойынша оқуға қабылдау медициналық-әлеуметтік сараптаманың кері көрсеткіштері мен ұсынымдары ескеріліп жүзеге асырылады.

Колледжге «Женіл және орташа ақылы кем» диагнозбен ерекше білім беру қажеттіліктері бар тұлғаларды оқуға қабылдау психологиялық-медициналық-педагогикалық кеңестің қорытындысы ескеріліп жүргізіледі.

2.12. Шетелдіктер және азаматтығы жоқ адамдар мәртебесін анықтайтын, тұрғылықты жерде тіркелгендігі туралы белгісі бар құжатты ұсынады:

- шетелдік - шетелдіктің Қазақстан Республикасында тұруға ықтиярхат;
- азаматтығы жоқ тұлға - азаматтығы жоқ тұлғаның куәлігі;
- босқын - босқының куәлігі;
- пана іздеуші тұлға - пана іздеуші тұлғаның куәлігі;
- қандас - қандас куәлігі.

2.13. Орташа конкурстық балл бірдей болған жағдайда білім туралы құжаттың орта балы, сонымен бірге «Техникалық және кәсіптік, орта білімнен кейінгі білімнің білім беру бағдарламаларын іске асыратын білім беру ұйымдарына оқуға түсу кезінде қабылдау квотасының мөлшерін бекіту туралы» Қазақстан Республикасы Оқу-ағарту министрінің 2023 жылғы 15 тамыздағы № 261 бұйрығымен бекітілген квоталық категория ескеріледі.

2.14. "Техникалық және кәсіптік, орта білімнен кейінгі білімнің білім беру бағдарламаларын іске асыратын білім беру ұйымдарына оқуға қабылдаудың үлгілік қағидаларын бекіту туралы" Қазақстан Республикасы Білім және ғылым министрінің 2018 жылғы 18 қазандағы № 578 бұйрығына өзгеріс енгізу туралы, Қазақстан Республикасы Білім және ғылым министрінің 2021 жылғы 4 маусымдағы № 276 бұйрығының 2-тарау, 59 тармақшасына сәйкес орташа конкурстық балл олардың жалпы бағалар сомасының орташа мәні ретінде айқындалады.

Бағалардың жиынтық балы:

- жалпы орта білімі бар (11-сынып) түсушілер үшін - төрт пәннің бағасы: міндетті пән (қазақ тілі немесе орыс тілі, Қазақстан тарихы) және мамандық бейіні бойынша екі пән және/немесе шығармашылық конкурс және/немесе басқа да арнайы конкурстардың бағалары;

- мамандық бейініне сәйкес келмейтін техникалық және кәсіптік, орта білімнен кейінгі, жоғары білімі бар түсушілер үшін-төрт пәннің бағасы: міндетті пән (қазақ тілі немесе орыс тілі, Қазақстан тарихы) және мамандық бейіні бойынша екі пән және/немесе шығармашылық конкурс және/немесе басқа да арнайы конкурстардың бағалары бойынша қалыптасады;

- мамандық бейініне сәйкес келетін техникалық және кәсіптік, орта білімнен кейінгі, жоғары білімі бар тұлғалар үшін - білім туралы құжаттың (диплом) орташа балы.

Басқа елдің білім туралы құжаты бар тұлғалар үшін білім туралы құжатта осы Қағидаларға 5-қосымшада көрсетілген міндетті және бейінді пәндер болмаған жағдайда міндетті және бейінді пәндер тізбесін білім беру ұйымдарының қабылдау комиссиялары белгілейді.

- мамандық бейініне сәйкес келетін медициналық мамандықтарға түсетін техникалық және кәсіптік, орта білімнен кейінгі, жоғары білімі бар тұлғалар үшін эссе жазу түрінде арнайы конкурс белгіленеді. Эссе жазуға және бағалау өлшем шарттарына қойылатын талаптарды білім беру ұйымдарының қабылдау комиссиялары айқындайды.

2.15. Мамандық бейіні бойынша пән Қазақстан Республикасы Білім және ғылым министрінің «Техникалық және кәсіптік білімнің білім беру бағдарламаларын іске асыратын білім беру ұйымдарына оқуға қабылдаудың үлгілік қағидасының 5-қосымшаға сәйкес анықталады: Төменде көрсетілген мамандығына бейінді пән - биология және химия:

- 09120100 «Емдеу ісі» 4S09120101 «Фельдшер» біліктілігімен;
- 09130200 «Акушерлік іс» 4S09130201 «Акушер» біліктілігімен;
- 09130100 «Мейіргер ісі» 4S09130103 «Жалпы практикадағы мейіргер» біліктілігімен;
- 09130100 «Мейіргер ісі» 5AB09130101 «Мейіргер ісінің қолданбалы бакалавры» біліктілігімен ;
- 09130100 «Мейіргер ісі» 3W09130102 «Массажист» біліктілігімен ;
- 09110100 «Стоматология» 4S09110102 «Дантист» біліктілігімен;
- 09140100 «Лабораториялық диагностика» 4S09140101 «Медициналық зертханашы» біліктілігімен;
- 09160100 «Фармация» 4S09160101 «Фармацевт» біліктілігімен – бейінді пән химия.

2.16. 5AB09130101 «Мейіргер ісінің қолданбалы бакалавры» біліктілігімен

09130100 «Мейіргер ісі» мамандығы бойынша 1 жыл 6 ай білім алушылар үшін талаптар:

- тәжірибелік медицинада «Мейірбике ісі» мамандығы бойынша 3 жылдан кем емес еңбек өтілі және маман сертификаты, жұмыс орнының мамандар бөлімімен расталған еңбек кітапшасының көшірмесі;

- «Фельдшер» біліктілігімен «Емдеу ісі» мамандығы, «Акушер» біліктілігімен «Акушерлік іс» мамандығы, «Мейіргер ісі» мамандығы бойынша маман сертификаты және осы мамандық бойынша 3 жылдан кем емес еңбек өтілі, жұмыс орнының мамандар бөлімімен расталған еңбек кітапшасының көшірмесі;

2.17. Білім беру ұйымында бірыңғай талаптардың сақталуын қамтамасыз ету және психометриялық тестілеу нәтижелерін бағалау кезіндегі даулы мәселелерді шешу, оқуға түсушілердің құқығын қорғау мақсатында колледж басшысының бұйрығымен апелляциялық комиссия құрылады. Апелляциялық комиссия мүшелері тақ саннан тұрады. Апелляцияға өтініш апелляциялық комиссияға конкурс нәтижелері жарияланғаннан кейін келесі күні сағат 13⁰⁰-ге дейін беріледі, өтініш оны берушінің қатысуымен бір жұмыс күні ішінде өтініш берген күннен бастап қаралады.

3. Білім алушылар құрамына қабылдау

3.1. Білім басқармасы негізгі орта білім базасы негізінде оқуға түсуші тұлғалар арасындағы Конкурс нәтижесін күнтізбелік жылдың 23 тамызы күні, жалпы орта білім негізінде оқуға түсуші тұлғалар арасында - күнтізбелік жылдың 25 тамызы күні ресми интернет-ресурстарында жариялайды, сондай-ақ талапкерлерді Конкурс нәтижесі туралы 1414 бірыңғай байланыс орталығы Порталы арқылы SMS хабарламамен ақпараттандырады.

3.2. Конкурстан өткен білім алушыларды колледждің қабылдау комиссиясы мемлекеттік тапсырыс және келісімшарт бойынша күндізгі бөлімге қабылдау 25 тамыз бен 31 тамыз аралығында жүргізеді.

3.3. Қабылдау комиссиясының қорытынды отырысында аудио немесе бейнежазба жүргізіледі. Аудио немесе бейнежазба колледждің мұрағатында кемінде бір жыл сақталады.

3.4. Колледжге оқуға қабылдау комиссиясының ашық отырысында мамандықтар, бөлімдер және оқу тіліне қарай бөлек жүргізіледі.

3.5. Шымкент қаласының ДСБ-ның шаруашылық жүргізу құқығындағы «Жоғары медицина колледжі» МКК қалалық Денсаулық сақтау басқармасына және қалалық Білім беру басқармасына берілген үлгі мен мерзімде жедел статистикалық есеп береді, ал қабылдау біткеннен кейін, он күн мерзім ішінде колледжге қабылдауды ұйымдастыру мен өткізудің жиынтық мәтіндік нысандағы есебін береді.

3.6. Осы Үлгі ережеде регламенттелмеген мәселелерді оқу орнының қабылдау комиссиясы дербес шешеді.

Шымкент қ. ДСБ ШЖК "Жоғары
медицина колледжі" МКК қабылдау
комиссиясының 2025-2026 оқу жылына
қабылдау ережесі келісілді
және қабылданды
№ 1 хаттама "20" 06 2025 ж.

Қабылдау комиссиясының

жауапты хатшысы _____

Хамитова

А.Ж.Хамитова